

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj 01-03-8737-5/17
Dana, 15.01.2018. godine
Sarajevo, Vrazova 11**

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-8737-4/17 od 03.01.2018. godine, generalni direktor donosi sljedeću

**ODLUKU
o izboru ponuđača "Sono Medical" d.o.o. Sarajevo
u postupku nabavke broj KZ-21/17 lot 1**

I

Ugovor o nabavci u postupku javne nabavke broj KZ-21/17 lot 1, sa predmetom nabavke **oprema za magnetoterapiju** za potrebe Javne ustanove Dom zdravlja Kantona Sarajevo, dodjelit će se ponuđaču: **"Sono Medical" d.o.o. Sarajevo.**

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

III

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Odlukom broj 01-03-8737/17 od 14.11.2017. godine, pokrenut je konkurentski zahtjev sa predmetom nabavke roba - medicinska oprema za potrebe JU Dom zdravlja Kantona Sarajevo.

Kriteriji za vrednovanje "**najniža cijena tehnički zadovoljavajuće ponude**" utvrđen je tenderskom dokumentacijom ugovornog organa.

Komisija je konstatovala da su do zakazanog termina, pristigle tri ponude ali provjerom uslova za kvalifikaciju konstatovano je da je za lot 1 sa predmetom nabavke - oprema za magnetoterapiju, kvalifikovan jedan ponuđač i to Sono Medical d.o.o. Sarajevo. Ponuđač **Inel BH d.o.o. Maglaj**, nije se kvalifikovao iz razloga što su tražena četiri nezavisna izlazna kanala a ponuda sadrži aparat sa dva nezavisna izlazna kanala. Nadalje, nije dostavljen kataloški prikaz ležaja kako je traženo u tehničkoj specifikaciji.

Ponuđač **Derby Trade d.o.o. Brčko** takođe je dostavio ponudu aparata sa dva nezavisna izlazna kanala. Komisija je konstatovala da je provjerom utvrđeno da priložena potvrda Agencije za lijekove i medicinska sredstva ne postoji u Registru.

Cijeneci navedeno, Komisija je jednoglasno dala preporuku generalnom direktoru da dodjeli ugovor ponuđaču **Sono Medical**, čija ponuda ispunjava sve tražene uslove, za vrijednost sa uračunatim PDV-om (17%) u visini od **11.232,00 KM**

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalificiranosti ponuđača te ocjenu prispijelih ponuda, shodno kriteriju iz Tenderske dokumentacije.

U postupku ocjene provedenog postupka, generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- **Inel BH doo Maglaj**
(Ul. Aleja Ilijana 1, 74250 Maglaj)
- **Sono Medical doo Sarajevo**
(Ul. Azize Šaćirbegović b, Sarajevo)
- **Derby Trade doo Brčko**
(Ul. Jovana Dučića 1, 76100 Brčko)
- **JN**
- **a/a**

**GENERALNI DIREKTOR**
Mr. sci. med. prim. dr. Fuad Husić
spec. porodične/obiteljske medicine